



Broj: 14-11-4-13315-8/20
Zenica: 03.09.2020.godine

Na osnovu člana 70. i člana 89. Zakona o javnim nabavkama («Službeni glasnik BiH», broj: 39/14) i Zapisnika o pregledu i ocjeni ponuda, broj: 14-11-4-13315-7/20 od 02.09.2020. godine, u postupku javne nabavke za „Nabavku mrežne opreme za potrebe unapređenja kompjuterske mreže Zeničko-dobojskog kantona“, direktor Službe za zajedničke poslove Zeničko-dobojskog kantona, donosi:

ODLUKU **o izboru najpovoljnijeg ponuđača**

1. Prihvata se preporuka Komisije za javnu nabavku iz Zapisnika broj: 14-11-4-13315-7/20 od 02.09.2020. godine i ugovor za „Nabavku mrežne opreme za potrebe unapređenja kompjuterske mreže Zeničko-dobojskog kantona“, dodjeljuje se ponuđaču: IMTEC d.o.o. Sarajevo, kao najbolje ocijenjenom ponuđaču sa cijenom 12.799,00 KM.
2. Ponuđač kojem se dodjeljuje ugovor dužan je dostaviti dokumente iz člana 45., 46. i 47. navedene u tački 3.1, 3.2. i 3.3. Konkurentskog zahtjeva za dostavljanje ponuda, u roku od 5 (pet) dana od prijema Odluke o izboru najpovoljnijeg ponuđača. Ukoliko ponuđač u navedenom roku ne dostavi tražene dokumente, ponuđač će biti isključen iz daljeg učešća u postupku javne nabavke.
3. Nakon pravosnažnosti ove Odluke, izabranom ponuđaču iz tačke 1. ove Odluke dostavit će se prijedlog ugovora o nabavci.
4. Ova odluka objavit će se na web-stranici <http://www.zdk.ba/> istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.
- Ova odluka dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.
5. Za realizaciju ove Odluke zadužuje se Služba za zajedničke poslove.

O b r a z l o ž e n j e

Služba za zajedničke poslove je na osnovu Odluke o pokretanju postupka javne nabavke broj: 14-11-4-13315/20 od 07.08.2020.godine, pokrenula postupak javne nabavke za Nabavku mrežne opreme za potrebe unapređenja kompjuterske mreže Zeničko-dobojskog kantona“. Javna nabavka je provedena po Konkurentskom zahtjevu za dostavu ponuda sa predviđenim provođenjem postupka e-Aukcije putem portala za Javne nabavke BiH. Procijenjena vrijednost nabavke je 12.820,51 KM bez PDV-a.

Ugovorni organ je objavio tendersku dokumentaciju na portalu javnih nabavki istovremeno sa objavom Obavještenja o nabavci, broj: 771-7-1-27-3-18/20 dana 18.08.2020. godine. Komisija za provođenje postupka javne nabavke, koja je imenovana Rješenjem, broj: 14-11-4-13315-1/20 od 07.08.2020. godine, blagovremeno je izvršila javno otvaranje ponuda, te zapisnikom od 02.09.2020.godine, konstatovala da su u predviđenom roku pristigle dvije ponude, ponuđača MIBO Komunikacije d.o.o. Sarajevo i IMTEC d.o.o. Sarajevo.

Nakon pregleda ponuda naprijed navedenih ponuđača, Komisija je u Zapisniku, broj 14-11-4-13315-7/20 od 02.09.2020.godine konstatovala sljedeće:

Ponuda ponuđača MIBO Komunikacije d.o.o. Sarajevo se odbacuje iz razloga što ponuđač nije u Obrascu za ponudu-Aneks II, popunio Ime i prezime osobe koja je ovlaštena da predstavlja ponuđača i u Obrascu za cijenu ponude- Aneks III, sve stavke sadržane u Obrascu, i to u koloni “Naziv ponuđenog artikla, Naziv proizvođača, Zemlja porijekla ponuđenog artikla”, što nije u skladu

sa tačkama 4.1. i 4.4. Tenderske dokumentacije. Pored navedenog, tehnička specifikacija ponude ponuđača MIBO Komunikacije doo Sarajevo ne zadovoljava u dijelu koji je propisan Tenderskom dokumentacijom, stavku 1.-Server. Ponuđač je ponudio model servera Dell PowerEdge R740xd koji ne zadovoljava tehničku specifikaciju iz razloga što isti nema mogućnost ugradnje internog DVD RW uređaja. Naime, provjerom na zvaničnim stranicama proizvođača utvrđeno je da model R740 podržava ugradnju jednog od tipova optičkih uređaja (DVD-ROM ili DVD+ROM) dok model R740xd, ne podržava ugradnju internog optičkog uređaja.

Ponuda ponuđača MIBO Komunikacije d.o.o. Sarajevo se odbacuje u skladu sa članom 68. stav (4) tačka i) Zakona o javnim nabavkama jer ista nije potpuna i ne ispunjava zahtjeve iz Tenderske dokumentacije.

Za ovaj postupak je bila predviđena e-aukcija. S obzirom da je primljena samo jedna prihvatljiva ponuda IMTEC d.o.o. Sarajevo, u skladu sa članom 3. stav (3) Pravilnika o uslovima i načinu korištenja e-Aukcije („Službeni glasnik Bosne i Hercegovine“, broj: 66/16), e-Aukcija se nije mogla zakazati, to se predmetni postupak treba okončati u skladu sa članom 69. Zakona o javnim nabavkama („Službeni glasnik Bosne i Hercegovine“, broj: 39/14).

Uzimajući u obzir gore navedeno, Komisija je dala preporuku Ugovornom organu da se okonča postupak za „Nabavku mrežne opreme za potrebe unapređenja kompjuterske mreže Zeničko-dobojskog kantona“, u skladu sa članom 69. stav (1) tačka a) Zakona o javnim nabavkama, jer je cijena jedine prihvatljive ponude, ponuđača IMTEC d.o.o. Sarajevo 12.799,00 KM i do iznosa je procijenjene vrijednosti nabavke.

U postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Na osnovu navedenog, donesena je odluka kao i dispozitivu.

Pouka o pravnom lijeku

Protiv ove Odluke može se izjaviti žalba u roku od 5 (pet) dana od dana prijema ove odluke. Žalba se izjavljuje Uredu za razmatranje žalbi, putem ovog ugovornog organa, u pisanoj formi na način propisan članom 99. Zakona o javnim nabavkama.

Prilog: Zapisnik, broj: 14-11-4-13315-7/20 sa prilogima

Dostavljeno: 1x Ponuđači
1x tenderska dokumentacija



DIREKTOR
Miralem Redžić

